

STA kier introduci maximo 40 ora di trabou pa siman den tur sector

DIEGO de Cuba, Presidente di Sindicato di Trahadornan Arubano (STA) a duna di conoce cu el a reuni cu formador y cu e demas miembronan cu lo bay forma part'i gobernacion nobo pronto, pa cu cambionan den tur sector di trabou. Aki el a entrega tambe un documento di 17 punto cu ta enfoca riba esaki, di cual 4-5 ta puntonan cu “mester conoce cambio.”

Pa loke ta un di e cambionan cu nan kier trece, Diego de Cuba a duna di conoce cu STA kier bin cu 40 ora pa siman di trabou y 2 dos dia liber den tur sector. Esaki, e ta di opinion cu lo ta na fabor di Aruba y cu lo trece un bida mas humano p’e clase trahador. Aworaki tin personanan trahando overtime, 44-48 ora pa siman of 6 dia pa siman por ehempel. E ta trece dilanti cu esaki no ta un bida social sano, unda di baina e persona ta wak su mesun famia.

Cu e cambio aki, ta pone enfasis cu lo mantene salario manera cu e ta, no perhudicando e entrada di e clase trahador. Si e cambio aki dreठा den efecto, functie uurloon lo subi, hende



lo tin mas tempo liber y ademas lo crea mas cupo di trabou, pasobra companianan lo ta bay tin mester di mas hende pa traha, segun de Cuba. E ta splica cu sigur ta premira cierto gremio cu “lo bay grita y zapatia”,

pero segun Diego de Cuba, STA ta kere c’e momento a yega pa introduci 40 ora di trabou pa siman den tur sector, 8 ora pa dia, cu un descanso di 30 minuut.